


www.BibleForChildren.org

Mateyo 26



Mpokwalashala
masuba asanu
nebumo kwambeti
Pasika ishike, Yesu
walaya ku Betaniya, uko
kwalikuba Lazalo usa
ngwalapundusha kubafu.
Lino Maliya walamanta
libotolo lyamafuta anunkila
nado, adula cikamba nekutatika
kunanika myendo ya Yesu,
kapukutisha nemishishi yakendi. Lino
bantu balikuba mung'anda balanyumfwa
bwema bwamafutayo.



Nomba Yuda Sikalyote umo wa beshikwiya likumi ne babili, walaya kuli beshimilumbo bamakulene kuya kumulisha kulyendibo. Balakondwa mpobalanyumfwa ncalabambila ne kumushomesha kwambeti nibakamupe mali ngobalapangana. Nendi walatatika kulangaula cindi celela ca kumulisha.



Basa beshikwiya balensa mbuli
Yesu ncalabambila, balabamba
Pasika. Cindi ncobalikulya, Yesu
walamanta shinkwa walapaila ne
kulumba Lesa, walakomona komona,
walayabila beshikwiya, ne kwambeti,
“Mantani, kamulyani, uwu emubili
wakame.”



Kayi walamanta nkomeshi yesula
waini, walalumba Lesa, ne kubapa
beshikwiya basa, nekubambileti,
“Kamunwa mwense. Iyi emilopa
yakame yacipangano iletikilinga
bantu bangi kwambeti, balekelelwe
bwipishi bwabo.”



“Shimoni, Shimoni, nyumfwa! Satana layandanga kumupupulusha mumasunko mbuli mulimi ncakute kupupulusha maila. Nsombi ndakupailili kwambeti lushomo lwakobe lutapwa. Lino obe wakatembenuka mumuyo ukayuminishe banobe.”



Nsombi Petulo walakumbuleti, “Mwami, ame ndalibambila kuya nenjamwe mujele nambi kufwa.”
Yesu walakumbuleti, “Ndakwambilinga Petulo, lelo kombwe nkatana alila, nunkane mankanda atatu eti nkonjinshipo.”



Yesu ne beshikwiya bakendi
balaya kumusena
walikukwiweti, Getisemani,
uko nkwalakabambileti,
“Kamwikalani pano, ame
ndenga uko kuya kupaila.”
Kayi walambeti, “Abba, Ta,
Amwe ngamwinsa bintu bili
byonse, kamufunyani
nkomeshi mapensho
ilayandanga kwisa pali njame,
nsombi kakutaba kuyanda
kwakame, sobwe nsombi
kube kuyanda kwenu.”



Yuda walanyamuka pamo nebashilikali baku Loma
nebamalonda baku Nga'nda ya Lesa abo balatumwa
nebamakulene beshimilumbo neBafalisi.
Nabo balaya kulibala uko kabalibamanta
malampi ne nsakamwenge kayi ne
byensho byankondo. Lino umo wa
beshikwiya walatimbula litwi lya
kululyo lya musebenshi wa
mukulene wa beshimilumbo
bonse. Nsombi Yesu
walambeti, “Cilekeni kwinseco.”
Popelapo Yesu walekata litwi
lya muntu uyo nekumushilika.



Lino balekata Yesu nekumutwala kung'anda ya mukulene wa beshimilumbo bonse. Neye Petulo walikakonkela Yesu capatali. Lino balakunka mulilo pakati palubansa lwang'anda, bonse balekala panshi pamo. Neye Petulo walekala pakati pabo.



Musebenshi naumbi
wa mukulene
wabeshimilumbo bonse,
mwanse muntusa Petulo
ngwalakwempula litwi,
walamwipusheti, “Sena ndiya
kukubonapo mulibala musa nkoli
nendi?” Petulo walakana kayi,
pacindi copeleco kombwe walalila.
Lino Petulo walafuma pansa,
walalila cebo ca cikonko ncali kukute mumoyo.




Bantu bangi balanyamuka, nekutwala
Yesu kuli Pilato. Lino Pilato
walamwipusha Yesu eti, “Sena njobe,
Mwami wa ba Yuda?” Yesu
walakumbuleti, “Mulamba mobene.”
Nsombi Pilato
walikuyanda
kumusungulula Yesu, neco
walamba nabo bantu basa
kayi. Nomba nabo


balolobesheti, “Mupopeni
palusanda! Mupopeni!”




Popelapo Pilato walamutwala Yesu
kulyendibo kwambeti bamupope.
kufumapo Yesu walaba mumakasa abo.
Bashilikali balamumantisha Yesu
lusanda lwakendi, balapula nendi
mulubansa nekuya kumusena
walikukwiweti. “Cifupa ca mutwi” Mu
Cihebeli bakute kwambeti “Gologota.”



Kopeloko balamupopa palusanda. Kayi
balapopa bantu bambi babili, umbi
kulikasa lyalulyo naumbi kulikasa
Iya kucipiko, Yesu nendi
walikuba pakati.



Lino cindi mpocalashika pa 12 koloko, kwalaba
mushinshe pacishi conse kushikila 3 koloko, lino
cikwisa calikucala mu Ng'anda ya Lesa calatwamuka
pakati. Lino Yesu
walolobesha ne liswi
lya pelu eti, “Ta
mushimu wakame
ndaubiki mumakasa enu.”
Mpwalapwisha
kwambeco, walafwa.



Yosefe waku Alimateya umo wa mu
Nkuta inene ya Bayuda
weshibikwa ne bonse, uyo
neye walikupembelela
Bwami bwa Lesa,
walayumisha moyo
nekuya kusenga
mubili wa Yesu
kuli Pilato.

Yosefe
walaula cikwisa,
mpwalaselusha mubili
panshi, walaufungaila
mu cikwisa, walamanta
mubili nekuya kubika
mumanda abeswa
mulibwe, ne
kukunkulushilapo
cilibwe pa cishinga
ca manda.



Mpobwalaca mumene pa Sabata,
bamakulene beshimilumbo,
pamo ne Bafalisi
balakabungana kuli
Pilatone kumwambileti,
“Nkambo, twanuka
kwambeti kacili
muyumi muntu
mubepeshi usa,
walikwambeti,


‘Pakapita
masuba
atatu
ninkapundushiwe.’”



Balaya, balashinkashinka
pamanda ne kushapo
cishibisho pacilibweco.
Ne kushiyapo
bamalonda babo.




Busuba bwa Sabata ya Bayuda
mpobwalapita, Maliya waku
Magadala ne Maliya naumbi,
mumenemene kapacili
pashipuluka pasondo,
balaya kusula
kumanda.




Kabatana bashikako kwalenshika
mukunkumo unene, pakwinga
mungelo wa Lesa walafuma
kwilu walakunkulushila
pambali cilibwe
cisa ne kwikalapo.

Bamalonda basa
balatina, kayi
balatatika kututuma,
balayuminina ntaa!
eti bantu bafwa.




Nomba mungeloyo walabambila
batukashi baseti, “Kamutatina
sobwe! Ndicinshi
mulalangaulunga Yesu
usa ngobanga bapopa
palusanda, muliya
muno sobwe
lapundushiwa
mbuli

ncalikwamba.
‘Kamwisani mubone
mpwanga wona.’”



Batukashi basa balafumako bwangu
kumanda, kabali ne buyowa, nomba
kayi kabali bakondwa cikamba,
balafwamba kuya kwambila
beshikwiya bakendi.



Mwakutengashila Yesu walakumana nabo
ne kubambileti, “Mitende batukashi
amwe!” Nabo balesa pepi,
balasuntama ne kumwikata
kumyendo yakendi
ne kumukambilila.





Panyuma pakendi kayi walabonekela kuli beshikwiya
likumi ne umo pacindi ncobalikulya cakulya patebulu,
nomba walabakalalila pacebo ca kubula lushomo,
pakwinga myoyo yabo yalikuba yayuma, baliya
kushoma mpobalambilwa ne bantu balamubona
mpwalapundushiwa kubafu. (Neco Mwami Yesu
mpwalapwisha kwamba nabo, walamantwa kuya kwilu,
ne kuya kwikala kucikasa cakululyo ca Lesa.)



Kayi Lesa walabasunisha bantu
pacishi capanshi, ecebo cakendi
walayaba Mwanendi umo enka,
kwambeti uliyense eti
akamushome akacane
buyumi butapu.



Baloma 3:23

Bantu bonse balepisha, kayi balalilwa kushika ku
bulemeneno bwa Lesa.

Baloma 6:23

Nomba malipilo a bwipishi ni lufu. Nsombi cipo ico Lesa
ncakute kupa, nibuyumi butapu mukwikatana pamo ne
Klistu Yesu Mwami wetu.

Bahebeli 9:27

Muntu wela kufwa kankanda kamo nanshi, kufumapo
lombolosho



Baefenso 2:8,9

Pakwinga Lesa niwankumbo walamupulusha, cebo cakumushoma. Nte mungofu shenu mobene nsombi ni cipo ca Lesa. Muntu nkakute kupuluka pacebo ca ncito shakendi, kutineti ngaulitunta.

Baloma 10:9,10

Na ulasuminishinga ne mulomo wakobe kwambeti Yesu ni Mwami, kayi na washoma mumoyo wakobeti Lesa walamupundusha kubafu nukapuluke. Pakwinga na muntu lashomo ne moyo wakendi, ukute kuba walulama pamenso a Lesa, kayi na lasuminishi ne mulomo wakendi ukute kupuluka.



Yohane 3:16,17

Kayi Lesa walabasunisha bantu pacishi capanshi, ecebo cakendi walayaba Mwanendi umo enka, kwambeti uliyense eti akamushome akacane buyumi butapu. Lesa nkalatuma Mwanendi panshi pano, kwambeti omboloshe milandu ya bantu, nsombi kwambeti abapulusha.

1 Yohane 5:11-13

Bukamboni bwakendi nibwakwambeti Lesa walatupa buyumi butapu bukute kucanika mukwikatana ne Mwanendi. Uliyense wekatana ne Mwana nakabe ne buyumi butapu, nomba wabula kwikatana ne Mwanendi Lesa uliya buyumi sobwe. Ibi ndalembelenga njamwe mwashoma Lina Iya Mwanendi Lesa kwambeti mwinshibeti mukute kendi buyumi butapu.



Mateyo 26-28; Luka 22-24; Yohane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Soli NT (sby) © The Word for the World International, 2018

<https://www.bible.com/en-GB/bible/2447/MAT.1>

©2026 Bible for Children, Inc.

www.M1914.org

www.bibleforchildren.org

